

大末

上五

上六

## 彌沙塞部五分律卷第十六

宋罽賓三藏佛陀什共竺道生等譯

## 第三分初受戒法中

擯斥下音尺反愆去軋黜反勤勞勑勤勞衢上音殄滅徒音止  
 典祚才故反闢關上頓弭反枉酷上紓往反  
音反築竹沃鳥築竹沃鳥音俞娛樂上音背僂下音反  
 喘息上音歡興余正反荷枕上胡可反流漾涎

下二同似琴瑟上巨今反怨敵上音冤下誓  
 違反下正徒的反

留鷄跨音化苦反阿菟侯反腐音猶鷄良輒反  
 谷憩止上音止跚直又企企丘音下正瞻反  
 區區丘俱刈魚吠反蠻迷反蹠致挺特亭  
 障蔽下必鑽反鑽子官要言上音邀頰上於葛反  
 豁然上呼駢驛二字音殆音漆澡音早詭居

而去出尊便到迦葉所迦葉事一毒龍著別  
 靜室無敢入者唯除迦葉佛故投幕往到其所求索寄止龍室中宿答言甚不受也中有毒龍恐相害耳佛言無苦龍不害我答言若不畏者隨意入宿佛即持草入室敷座而坐作是念我當稍化龍身使形如燭內於鉢中以調伏彼適坐須臾龍大瞋忿身皆烟出佛亦出烟龍舉身火然佛亦舉身出火二火俱盛龍室洞然時迦葉及諸弟子來遶龍室悲慟言可惜大沙門不用我語爲龍所害明日佛以鉢盛龍而出語迦葉言此鉢毒龍衆人所畏今以降矣迦葉心念是大沙門雖神不

反格古客音之呂

古客音之呂

平江鑿建聖寺比丘志臨發心捨施帛帛三百三十石恭入刊繡局

人臣食用開雕大藏經板所集功德上獻

佛鑿深恩不報生滅之德更與忘懷發堅誓等長者

大德年五月

日意

亦出烟龍舉身火然佛亦舉身出火二火俱盛龍室洞然時迦葉及諸弟子來遶龍室悲慟言可惜大沙門不用我語爲龍所害明日佛以鉢盛龍而出語迦葉言此鉢毒龍衆人所畏今以降矣迦葉心念是大沙門雖神不

如我道真汝尊即以神力如力士屈伸臂頃持龍著世界中間還迦葉所迦葉問佛龍著何所答言置世界中間迦葉復念是大沙門極神須臾之間持龍乃著世界中間雖然故不如我已得阿羅漢道迦葉白佛願大沙門住此我自供養佛言汝若能日日自來請我

當受汝請答言甚善去迦葉不遠有一茂林佛於中止夜四天王來下侍衛并欲聽法四王光明猶四火聚迦葉夜起見佛邊有似四大火聚不知何等明日請佛白言食具已辦願見顧食又問昨夜此間有四光聚似火而非爲是何等佛言昨夜四天王來下供養聽法是其光耳迦葉復念是大沙門極大威神乃使四天王自來供養雖然故不如我已得阿羅漢道佛語迦葉汝且前去吾隨後到迦葉適去佛到閻浮提邊呵梨勒林取其果還迦葉未至已在其坐迦葉後至如上而問佛

從何道來佛言汝適去後我至閻浮提樹取其果還香美可食今以與汝可試食之迦葉復如上念佛食已還彼林中夜娑婆世界主梵天王自下侍衛并欲聽法梵王光明倍於帝釋迦葉夜見亦復不知是何等光明日復來請佛白食已辦并問光意佛言昨夜梵天王

上六

來下供養聽法是其光耳迦葉復念是大沙門神則神矣乃使梵王自來供養然不如我已得阿羅漢道佛語迦葉汝且前去吾隨後到迦葉適去復到閻浮提邊阿摩勒林取其果還餘如上說佛食已還彼林中尔時世尊須水澡洗尼連禪河自然曲流經佛邊過令佛得用明日迦葉復來請佛白食已辦見河水曲流即問誰由此流佛言吾作須水水自曲來迦葉復念是大沙門神則神矣發心念水水則曲流然不如我已得阿羅漢道佛語迦葉汝且前去吾隨後到迦葉適去佛到俱耶尼取彼牛乳餘如上說佛食已還彼林中尔

上六三

時有斯那婆羅門婢死棄衣塚間佛取持還念當於何浣適發心時釋提桓因來下以手指地水出成池白佛言可於此浣阿毗釋迦山神送大石盆亦白佛言可用浣之復念我住何物用浣此衣去池不遠有柯睺樹其神曲枝令佛攀之佛浣衣竟於虛空中曬迦葉食已還彼林中尔時迦葉五百弟子皆共破薪而斧不舉以事白師師言恐大沙門所爲汝往問之即以問佛佛問欲使舉不答言欲舉佛言可去斧自當舉既舉復不肯下復以白師師教問佛佛問欲使下不答言尔佛言可去斧自當下既下斧皆著薪又不得舉復

明日復來請佛白食已辦見浣衣事皆以問佛佛具以答迦葉心念如前佛語迦葉汝且前去吾隨後到迦葉適去佛到鑿單越取自然粳米餘如上說佛食已還彼林中尔時迦葉明日節會念言今不請佛若衆人見者必當捨我競奉事之便止不請佛即遙知復到鑿單越取食而食過其日已迦葉復來請佛白食已辦又問佛昨不來竟於何食佛言汝昨節會念言佛若來者衆人共見必當捨我競共事之是故我到鑿單越取食而食迦葉復念是大沙門神則神矣乃知人念然不如我已得阿羅漢道於是佛與迦葉俱到其家

以白師師教問佛佛問欲舉不答言爾佛言  
可去自舉得用即皆得用復欲然火火不肯  
然復以白師師教問佛佛問欲使然不答言  
爾佛言可去火自當然火即自然既然復不  
肯滅復以白師師教問佛佛問欲使滅不答  
言爾佛言可去火自當滅火即自滅復欲寫

水滅炭水住瓶中終不肯出復以白師師教  
問佛佛言欲使出不答言爾佛言可去水自  
當出水即自出既出復不肯止復以白師師  
教問佛佛言欲使止不答言爾佛言可去水  
自當止水即自止爾時黑雲大雨七日佛所  
住林及迦葉家浩成一水迦葉恐佛爲水所

上六

漂乘船來視乃見世尊在尼連禪河水上經  
行迦葉復念是大沙門神則神矣水大暴長  
不爲漂沒乃方在上經行然不如我已得阿  
羅漢道於是世尊飛昇虛空告迦葉言汝非  
羅漢何爲虛妄自稱得道迦葉白言實爾世  
尊實爾世尊復白佛言願得於大沙門所出

家受具足戒佛言報汝弟子未答言未佛言  
可先報之迦葉受教即還語弟子言汝等知  
不我欲於大沙門所淨修梵行汝等從我爲  
善不樂隨意五百弟子同聲言我等見佛降  
龍已生信心但待師耳願皆隨從於是師徒  
共往佛所白佛言我等師徒俱欲出家受具  
足戒佛言善來比丘受具足戒於我善說法  
律能盡一切苦淨修梵行迦葉及五百弟子  
鬚髮自墮袈裟著身鉢盂在手既受戒已以  
先被服事火之具皆棄尼連禪河中是爲迦  
葉及五百弟子受具足戒迦葉有二弟大名  
那提迦葉小名伽耶迦葉大弟有三百弟子

小弟有二百弟子去兄一由自居在下流見  
兄事火之具隨水來下恐兄爲惡人所害大  
水所漂二弟即將五百弟子逆水而上見兄  
師徒皆作沙門惟而問之何故如此答言此  
道最勝出要之法無有過者二弟及其五百  
弟子皆共議言我兄智慧第一而今樂之此

上六

道必勝皆當相與同兄出家即共詣佛頂禮  
佛足自佛言願與我等出家受具足戒佛言  
善來比丘乃至鉢盂在手亦如上說於是世  
尊作是念何處多有飲食卧具於中教誡此  
故梵志千比丘僧彼飭耶山多有飲食卧具  
念已將千比丘往到彼所以三事教誡一者  
神足教誡二者說法教誡三者教勑教誡何  
謂神足教誡如神通中說何謂說法教誡言  
比丘當思是不可思是當憶念是不憶念是  
當修是當斷是當依是行何謂教勑教誡言  
比丘一切熾然云何一切熾然眼熾然色熾  
然眼識眼觸眼觸因緣生受亦熾然以何熾

然欲火熾然瞋欲癡欲熾然乃是意法亦如  
是聖弟子聞如是法生於厭離無有染著便  
得解脫解脫智生所作已作梵行已立不復  
受有說是法時千比丘漏盡心得解脫尔時  
世尊作是念吾昔與瓶沙王要得道度之今  
應詣彼便與千比丘前後圍遶漸漸遊行向  
王舍城瓶沙王聞佛成道度懷爲迦葉兄弟  
三人及千弟子今來此邑即勑國界四萬二  
千聚落一聚落出豪傑二人出共迎佛八萬  
四千人乘象馬車前後導從尔時春末月熱  
已極盛衆人各念願得微陰時釋提桓因知  
彼念即化作雲蓋涼風微起自化爲梵天著  
黃色衣執七寶杖七寶柄拂離地一肘於佛  
前導時摩竭人欲當佛前帝釋驅逐悉皆嫌  
之而說偈言

形如梵天王執杖而躡虛口宣柔軟語  
是誰之給使

時釋提桓因以偈答言

解脫一切縛最上調師士應供已善逝  
我爲彼給使

時瓶沙王作是念佛止宿處我當即以此處  
施佛立於精舍佛知其意慕宿迦蘭陀竹園  
于時大衆咸生疑念不知佛與優爲迦葉誰  
是弟子佛知衆念便向優爲迦葉而說偈言

優爲汝何見 而捨事火法 吾今親問汝  
汝可如實答

優爲迦葉以偈答言

常貪於美味 心馳色聲中 我見有斯垢  
故捨事火業

余時大衆雖聞佛與迦葉各說一偈未悟義

旨猶有疑慮佛知衆心復以偈問

五味甘人口 聲色悅人心 汝見此爲垢

於何而得無

優爲迦葉復以偈答

我見休息道 一切無有著 不異不可異

於此捨火祠

余時大衆雖重聞偈猶懷猶豫佛知其心便  
告迦葉汝起扇佛即受教起扇又語迦葉現  
汝神變即復示現種種神化分身百億還合  
爲一石壁皆過入地如水履水如地坐卧空  
中如鳥飛翔舉身洞然煙若雲起手捫日月  
平立至極自在無礙或身上出水身下火然

或身上火然身下出水然後來下稽首佛足  
右達三市長跪合掌白佛言世尊是我師我  
是世尊弟子如是三而已語大衆言若之所  
知下及神變皆大師恩於是大衆始知迦葉  
是佛弟子便於佛所喜敬無量諸佛常法人  
心未轉不爲說法佛知大衆既已喜敬爲說  
上六七種種妙法示教利喜及說佛常所說法苦集  
盡道瓶沙王及八萬四千人即於座上遠塵  
離垢得法眼淨見法得果已受三自歸及受  
五戒於是瓶沙王稽首請佛及僧明日中食  
佛默然受歡喜還宮勑辦種種美饍明日於  
竹園敷座自出自白食具已辦佛與大衆隨次  
而坐王手自斟酌歡喜無倦食已行水在一  
面立白佛言今以此竹園奉上世尊佛言可  
以施僧其福益多王復白佛願垂納受佛言  
但以施僧我在僧中王便受教以施四方僧  
然後取小牀於佛前坐爲說隨喜呢願偈如  
爲毗蘭若所說說已更爲說種種妙法遣還

所住王從座起頂禮佛足右遶三匝而退

尔時世尊在羅閱祇竹園精舍彼有一邑名那羅陀有故梵志名曰沙然受學弟子二百五十門徒之中有二高足一名優波提舍二名拘律陀爾時頗鞠著衣持鉢入城乞食顏色和悅諸根寂定衣服齊整視地而行時優

波提舍出遊適見頗鞠威儀庠序歎未曾有待至便問何所法像衣服反常寧有師宗可得聞乎頗鞠對曰瞿曇沙門是我大師我等所尊從而受學優波提舍言汝等大師說何等法頗鞠言我年幼稚學日初淺豈能宣師廣大之義今當爲汝略說其要我師所說法從緣生亦從緣滅一切諸法空無有主優波提舍聞已心悟意解得法眼淨便還所住爲拘律陀說所聞法拘律陀聞亦離塵垢得法眼淨即問如來遊化今在何住答言今在迦蘭陀竹園拘律陀言如來是我等師便可共往禮敬問訊優波提舍言二百五十弟子師

臨終時囑吾等成座豈可不告而獨去乎二人即往弟子所語言我等欲從瞿曇沙門淨修梵行汝等各各隨意所樂時二百五十弟子皆悉樂從二人便將弟子俱詣竹園世尊遇見告諸比丘彼來二人一名優波提舍二名拘律陀此二人者當於我弟子中爲最上首智慧無量神足第一須臾來到佛爲漸次說法布施持戒生天之論呵欲不淨讚數出離即於就上漏盡意解皆前白佛願得出家淨修梵行佛言善來比丘於我法中修行梵行得盡苦原即名出家受具足戒

爾時世尊遊羅閱祇鬱鞠羅迦葉兄弟及千弟子舍利弗目犍連及二百五十弟子皆出家學道羅閱祇諸豪貴族姓長者居士亦皆出家大眾圍遶集於彼國而爲說法

佛在王舍城爾時世尊未教諸比丘有和尚阿闍梨無和尚阿闍梨故威儀失節著上下衣皆不如法不知淨不淨事不繫念在前不

善護諸眾入聚落乞食受不淨食自手取食  
不從人受人授食時就彼手中抄撥而取手  
捻鉢緣不擎鉢受食時高聲亂語不信樂佛  
法者譏呵言此諸沙門甚於外道無有威儀  
乃至高聲亂語無沙門行破沙門法其所不  
經過處皆得善利復有一病比丘無瞻視者

由此命過諸長老比丘聞種種呵責以是白  
佛佛以是事集比丘僧問諸比丘汝等實亦  
不荅言寶余世尊佛種種呵責言汝等云何  
散亂其心行止坐卧皆不如法呵已告諸比  
丘若被著上下衣不如法乃至食時高聲亂  
語皆突吉羅從今以十利故聽諸比丘有和

上六

九

尚自然生心愛念弟子如兒弟子自然生心  
敬重和尚如父勤相教誡更相敬難則能增  
廣佛法使得久住請和尚法應偏袒右肩脫  
革屣跣足兩手捧和尚足作是言我某甲今  
求尊爲和尚尊爲我作和尚我樂爲尊和尚  
依尊爲和尚故得受具足戒如是三求和尚

應答可爾當教誠汝汝莫放逸弟子應奉  
和尚若不白和尚入聚落突吉羅若欲共餘  
比丘行亦應白和尚若不白若不聽而去皆  
突吉羅若餘比丘呼共行亦如是若欲就餘  
比丘取衣鉢革屣之屬亦應白若不白若不  
聽而取皆突吉羅若欲與餘比丘衣鉢亦如  
是若餘比丘欲爲擔衣鉢及爲取亦應白若  
不白若不聽而輒作皆突吉羅若餘比丘倩  
擔衣鉢及令取亦如是凡有所作乃至剃頭  
若爲人剃皆應白唯除大小便及用楊枝若  
和尚犯鹿惡罪弟子應勤作方便令速除滅  
若不作方便突吉羅若僧應與和尚作別住  
若行摩那埵若行本日若行阿浮呵那弟子  
應勤作方便求僧速與作別住乃至阿浮呵  
那若不勤作突吉羅若和尚出罪之日弟子  
應爲掃灑敷座辦舍羅籌集僧求羯磨比丘  
若不爾突吉羅若僧與和尚作呵責羯磨驅  
出羯磨依止羯磨舉罪羯磨下意羯磨弟子

應勤求僧令莫作若不求僧突吉羅若僧必應作此諸羯磨弟子應求莫違法若不求突吉羅若和尚病弟子應扶侍左右若和尚有物應白取易隨病食隨病藥若和尚無物自有應爲易若復自無應爲索又應朝暮爲病和尚說法和尚病未瘳不得遊行若不介突吉羅若弟子犯鹿惡罪乃至病未瘳和尚看視亦應如是介時諸比丘一語授戒言汝歸依佛又有比丘二語授戒言汝歸依佛歸依法又有比丘三語授戒言汝歸依佛歸依法歸依僧以是白佛佛言不應一語二語三語授戒又有比丘作善來比丘授戒諸長老比

丘呵責汝云何如佛作善來比丘授戒以是白佛佛言不應作善來比丘授戒介時諸比丘作是念但佛與比丘受戒我等亦得若得者應云何授以是白佛佛言今聽汝等與比丘受戒應作白四羯磨授欲受戒者偏露右肩脫革屣禮僧右膝著地作是白大德僧聽

上六

十

具足戒願僧濟拔我慈愍故如是三白衆中應一知法比丘若上座若上座等僧中白言大德僧聽此某甲欲受具足戒某甲爲和尚僧今與某甲受具足戒和尚某甲若僧時到僧忍聽白如是大德僧聽此某甲欲受具足戒某甲爲和尚僧今與某甲受具足戒和尚其甲誰諸長老忍默然若不忍說第二第三亦如是僧已忍某甲受具足戒和尚某甲竟僧忍默然故是事如是持時諸比丘便四人乃至九人與一人乃至衆多人受具足戒諸長老比丘呵責以是白佛佛言聽上衆授具足戒諸比丘便以非人白衣滅擯人被舉人自言人不同見人狂人散亂心人病壞心人比丘尼式叉摩那沙弥沙弥尼是爲十衆授具足戒以是白佛佛言應如法比丘十人授具足戒諸比丘授眼人醉人狂人散亂心人病壞心人異見人具足戒以是白佛佛言不

上六

十一

我某甲從某甲和尚受具足戒今從僧乞受具足戒願僧濟拔我慈愍故如是三白衆中應一知法比丘若上座若上座等僧中白言大德僧聽此某甲欲受具足戒某甲爲和尚僧今與某甲受具足戒和尚某甲若僧時到僧忍聽白如是大德僧聽此某甲欲受具足戒某甲爲和尚僧今與某甲受具足戒和尚其甲誰諸長老忍默然若不忍說第二第三亦如是僧已忍某甲受具足戒和尚某甲竟僧忍默然故是事如是持時諸比丘便四人乃至九人與一人乃至衆多人受具足戒諸長老比丘呵責以是白佛佛言聽上衆授具足戒諸比丘便以非人白衣滅擯人被舉人自言人不同見人狂人散亂心人病壞心人比丘尼式叉摩那沙弥沙弥尼是爲十衆授具足戒以是白佛佛言應如法比丘十人授具足戒諸比丘授眼人醉人狂人散亂心人病壞心人異見人具足戒以是白佛佛言不

應授眠人乃至異見人具足戒應如法十比丘授如法人具足戒諸比丘以眠人醉人狂人散亂心人病壞心人爲和尚以是白佛佛言不應以此人爲和尚諸比丘復以二人乃至十人爲和尚以是白佛佛言應以一人爲和尚不應以二人乃至十人有說欲受具足戒不能得集十如法比丘作是念若佛聽我於布薩時自恣時僧自集時受具足戒者無如是苦以是白佛佛言聽同布薩時自恣時僧自集時受具足戒時六群比丘與某和尚阿闍梨不和合便與受戒人作難以是白佛佛言受戒人若無難不應爲生難若爲生難突吉羅復有諸比丘以小似片事強與受戒人作難或言似瞎或言似跛見其短小便言未滿二十或言父母似未聽出家以是白佛佛言不應以小似片事與受戒人作難若作難突吉羅諸比丘猶爲作難以是白佛佛言若合和尚阿闍梨意應與受戒復有諸比丘

於界內作別衆授戒以是白佛佛言應出界外白二羯磨作小界授戒先應一比丘唱四方界相一比丘白大德僧聽如某甲比丘所唱界相今僧結作戒壇共住共布薩共得施若僧時到僧忍聽白如是大德僧聽如某甲比丘所唱界相今僧結作戒壇共住共布薩共得施誰諸長老忍默然若不忍說僧已結某甲比丘所唱界相作戒壇共住共布薩共得施竟僧忍默然故是事如是持諸比丘既結戒場不捨而去以是白佛佛言應白二羯磨捨界而去一比丘白大德僧聽此結界處僧今捨是界若僧時到僧忍聽白如是大德僧聽此結界處僧今捨是界誰諸長老忍默然若不忍說僧已捨是界竟僧忍默然故是事如是持時諸比丘將欲受戒人至受戒處語上座言爲作羯磨答言我不誦羯磨乃至下座亦如是不得爲受戒以是白佛佛言應誦羯磨若十歲已後不誦突吉羅諸比丘

將二欲受戒人至受戒處欲爲受戒二人諱先不得爲受以是白佛佛言先到受戒處者應先與受戒若二人俱到年大者應先與受若同年和尚大者應先與受若和尚復同應一時羯磨先稱名者先受三人亦如是優波離問佛餘事亦得羯磨三人不佛言得又問

得與四人作羯磨不佛言一切不得羯磨四人諸比丘將欲受戒人至受戒處欲爲受戒遇賊被剝殆死而還諸比丘作是念若世尊聽我等於僧坊內立受戒壇者不遭此難以是白佛佛言今聽於僧坊內白二羯磨捨僧坊界一知法比丘唱言大德僧聽此一住處僧共住共布薩共得施先結此界今解若僧時到僧忍聽白如是大德僧聽此一住處僧共住共布薩共得施先結此界今解誰諸長老忍默然若不忍說僧已解先所結界竟僧忍默然故是事如是優波離問佛餘事亦得羯磨三人不佛言得又問

丘唱戒壇四方相更一比丘白二羯磨如上說結戒壇已更結僧坊界應一比丘唱四方界相又唱除內地更一比丘白大德僧聽此某甲比丘唱四方界相及除內地今僧結作大界共住共布薩共得施若僧時到僧忍聽白如是大德僧聽此某甲比丘唱四方界相及除內地今僧結作大界共住共布薩共得施誰諸長老忍默然若不忍說僧已結某甲比丘唱四方界相及除內地作僧大界共住共布薩共得施竟僧忍默然故是事如是持戒到舍利弗所自言與我出家受具足戒舍利弗不爲受如是遍至五百比丘所皆不與受便啼哭還歸佛以天眼觀見問舍利弗言此摩納何故啼哭而歸具以事答又問此人曾有一善言向諸比丘不答言有又問有何善言答言我先乞食此人讚我言此沙門釋子善好有德應與食佛言此恩應報汝可

上六

十三

度之舍利弗受教即與受具足戒復有一外  
道摩納薄福乞食不能得作是念沙門釋子  
乞食易得病瘦醫藥人所樂與我今寧可就  
彼出家受具足戒念已便到僧坊白諸比丘  
言與我出家受具足戒諸比丘即與受具足  
戒薄福故遇僧次請食斷諸比丘語言汝可

著衣持鉢乞食答言大德我畏乞食故於佛  
法中出家而今云何教我乞食諸長老比丘  
呵責云何度不能乞食人以是白佛佛言不  
應度此人度者突吉羅若度人時應先問汝  
爲何等出家若言爲飲食故不應度若言爲  
求善法歟生老病死憂悲苦惱者此應度若  
受具足戒時應先爲說四依依糞掃衣依乞  
食依樹下坐依殘棄藥能盡壽依此四事不  
若言能應爲受若言不能不聽爲受有大長  
者婆羅門獸患世間作是念沙門釋子等行  
正法廣修梵行於彼出家得盡苦際念已即  
到僧坊求出家受具足戒諸比丘言如來應

供等正覺說四依法若能盡壽依此當與汝  
出家受具足戒婆羅門言云何爲四依諸比  
丘即爲說婆羅門言此四依世所薄賤我不  
能依此答言若大德先與我受具足戒然後  
說者我不獲已或能行之於是還歸諸比丘  
念言佛若義我等授具足戒已然後說四依  
者不使此人於佛法退以是白佛佛言聽授

上六

十四

具足戒已然後說四依爾時諸比丘授具足  
戒已在前還歸新受戒人於後見昔私通姪  
女姪女言汝不能生活故入道耶答言我默  
生老病死憂悲苦惱欲盡苦原故於此中等  
行正法廣修梵行彼女復言若如汝語交會  
無期今可共我作最後行欲即共行之際暮  
乃還諸比丘問汝何故住後彼以實答諸比  
丘便驅出言汝出去汝滅去比丘法中若行  
此事非沙門非釋種子彼比丘聞悶絕躋地  
作是言若受戒時語我者正使失命豈當犯  
此諸比丘以是白佛佛言受具足戒竟便應

爲說十二法四障法四喻法四依法尔時佛未聽諸比丘有阿闍梨諸比丘和尚喪以無和尚阿闍梨故披著上下衣不如法乃至食時亂語皆如上說諸長老比丘以是白佛佛言從今以十利故聽諸比丘有阿闍梨阿闍梨自然生心視弟子如兄弟子自然生心視阿闍梨如父事事如和尚中說佛既聽有阿闍梨不知有幾種阿闍梨以是白佛佛言有五種阿闍梨出家阿闍梨教授阿闍梨羯磨阿闍梨受經阿闍梨依止阿闍梨諸比丘不知云何是出家乃至依止阿闍梨以是白佛佛言始度受沙弥戒是名出家阿闍梨受具足戒時教威儀法是名教授阿闍梨受具足戒時爲作羯磨是名羯磨阿闍梨就受經乃至一日誦是名受經阿闍梨乃至依止住一宿是名依止阿闍梨佛既聽有依止阿闍梨便依止比丘尼式義摩那沙弥沙弥尼狂心亂心病壞心人被舉人滅擯人異處住人別

(上六)

(十五)

住人行摩那埵人行本日人應出罪人自言人多人語人諸羯磨人以是白佛佛言不聽依止如上諸人唯聽依止如法比丘此中有成乞依止有不成乞依止有成與依止有不成乞依止有成受依止有不成受依止不成乞依止者若比丘從比丘尼乞依止若從式義摩那沙弥沙弥尼乃至諸羯磨人乞依止是名不成乞依止若從如法比丘乞依止而不作是語我某甲今求尊依止尊爲我作依止我依止尊住尊當教誡我我當受尊教誡是亦不成乞依止成乞依止者從如法比丘作如上乞是名成乞依止不成與依止者若是亦不成乞依止成乞依止者從如法比丘人與比丘依止是名不成與依止若從如法比丘如法乞竟彼不語言汝莫放逸是亦不成與依止是名不成與依止成與依止者於如法比丘如法乞竟彼言汝莫放逸是名成與依止不成受依止者若比丘從比丘尼式

父摩那沙弥沙弥尼乃至諸羯磨人受依止皆不名受依止若於如法比丘不作如上語我某甲今求尊依止乃至我當受尊教誠亦不成受依止是名不成受依止成受依止者於如法比丘作如上語我某甲今求尊依止乃至我當受尊教誠是名成受依止尔時諸

比丘便隔壁障受依止或不恭敬覆頭覆肩著革屣坐卧受依止諸長老比丘以是白佛佛言應偏袒右肩脫革屣跪合掌面前作如上語我某甲今求尊依止乃至我當受尊教誠爾時六群比丘不敬和尚阿闍梨不敬戒諸餘比丘亦有効者諸長老比丘以是白

上六

十六

所住亦與癡比丘無罪比丘作不共語法復不語其罪作不共語法以是白佛佛言不應盡壽與不敬和尚阿闍梨者作不共語法癡人無罪人不應與作不共語法亦不應不語其罪作不共語法不共語有五種一者語言汝莫共我語二者汝有所作莫白我三者莫入我房四者莫捉我衣鉢及助我作衆事五者莫來見我諸比丘便以小事作不共語法以是白佛佛言不應以小事作不共語法若弟子成就五事師應與作不共語法於師無慚無愧不敬不愛不供養是爲五事無此五事不應爲作不共語法有諸比丘既與弟子作不共語法還復共語共住弟子倍更憍慢以是白佛佛言不應作不共語竟還復共語我不爲今彼失依止故作不共語爲調伏休息向泥洹故作不共語法苦還共語突吉羅復有諸比丘爲弟子作不共語法餌比丘輒與共語弟子以此倍慢於師以是白佛佛言

上六

十七

不應他與弟子作不共語法而共語佛既不聽他人與共語便以此事遠俗或作外道以是白佛佛言若欲教彼悔過於師者聽得共語時有師與弟子作不共語弟子不肯悔過以是白佛佛言不應不悔過應作如是悔過偏袒右肩右膝著地以兩手捧師足極自卑下白言我小我癒後不敢復作爾時有師不受弟子悔過以是白佛佛言若還有慚愧敬愛供養不應不受悔過受悔過者罪則除滅復有諸師不知弟子犯戒不教不知悔過不悔過見弟子犯戒不教呵以是白佛佛言師應知弟子犯戒不犯戒悔過不悔過見犯戒應教呵若不知不教呵突吉羅爾時常住比丘不禮來去比丘來去比丘亦不禮常住比丘常住比丘亦不相禮有一比丘到一住處不禮諸比丘諸比丘問言從何處來答言某處來諸比丘言當知汝住處諸比丘皆如此憍慢我等不應共住以是白佛佛言應盡

禮若不禮突吉羅復有諸比丘或隔障禮或遙禮或卧口言和南或直舉手或小低頭諸長老比丘種種呵責以是白佛佛言不應作如是禮應一心恭敬脫革屣偏袒右肩兩膝著地接足而禮有諸比丘一一禮諸比丘便失伴以是白佛佛言但禮師摶禮餘人而去爾時優波斯那比丘二歲將一歲弟子到佛所頭面禮足却坐一面弟子後次禮佛衣囊墮佛膝上佛問優波斯那此是誰弟子答言是我弟子佛問汝幾歲答言我二歲又問弟子幾歲答言一歲佛種種呵責汝所作非法云何自未離乳而使乳人呵已告諸比丘不應一歲乃至九歲授人具足戒十歲如法然後得授若未滿十歲及不如法授人具足突吉羅九歲猶應依止他

十八末

上六

彌沙塞部五分律卷第十六

稽筋二同悲慟下音

洞

冤盈二字音柯暎二字音

浩

胡道豪傑上音毫下蹠反  
手捫下音美饍下時羅閱下音幼稚下直抄  
撥上楚交反手撫鉢緣捨泥枯反倩擔淨反  
甘下丁果瞎許捌跛必我躰皮益  
反墮丁果瞎許捌跛必我躰皮益

羅門咸共議言沙門釋子舍利弗爲第二師  
期與尼捷第一師七日論議當共往聽至期  
一日至于六日論說餘事皆使結舌至第七  
日舍利弗說欲從思想生尼捷子說欲從對  
起時舍利弗而說偈言  
世間諸欲本 皆從思想生 住世間欲本

彌沙塞部五分律卷第十七

上七

宋罽賓三藏佛陀什共竺道生等譯

第三分初受戒法下

佛在王舍城余時有一裸形外道極大聰明

摩竭國人謂之知者見者來至僧坊言沙門

釋子誰敢共我論議者時諸比丘遊戲諸禪

不共論議亦不共語舍利弗作是念彼作此

語若無人共論議者必毀辱佛法我今寧可

與共論議復念此尼捷爲摩竭國人之所宗

敬若我以一句義問不能通者必失名聞不

歸大法今當與之七日論議念已語言我當

與汝七日論議時王舍城長者居士沙門婆

尼捷聞此偈已不能加報便生善心欲於佛  
法出家學道時跋難陀在彼衆中色貌殊長  
而舍利弗形容短小彼作是念此短小比丘  
才智若斯而況堂堂者乎便往跋難陀所白  
言與我出家受具足戒跋難陀即便度之舍